

佛說八佛名號經

隋北天竺三藏法師闍那崛多譯



南無本師釋迦牟尼佛

說明

本繁體校正版《佛說八佛名號經》電子書，根據《乾隆大藏經》大乘五大部外重譯經，第 0298 部，隋北天竺三藏法師闍那崛多譯《佛說八佛名號經》原藏影印本校正，句讀僅供參考。

本電子書是免費結緣品。特此說明。

仁慧草堂

二〇一九年九月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

佛說八佛名號經¹

隋北天竺三藏法師闍那崛多譯²

如是我聞：

一時，佛在舍衛國祇樹給孤獨園，與大比丘僧千二百五十人俱；復有大乘眾菩薩摩訶薩十千人俱。

爾時，世尊與無量無數百千萬眾，前後圍遶，而為說法。

爾時，尊者舍利弗，於大眾中即從座起，偏袒右肩，右膝著地，向佛合掌，而白佛言：「世尊！我有疑心，今欲發問，惟願如來憐愍眾生，為我解說。」

爾時，世尊告舍利弗言：「善男子！隨汝所問，若有疑心，吾當為汝分別解說。」

時，舍利弗蒙佛印可，許決疑網，歡喜踊躍，即白佛言：「世尊！頗有現在十方世界諸佛世尊，往昔願力常為眾生現在說法，彼諸如來所有名號，若善男子及善女人，欲得誦持此諸佛名，若讀、

¹ 大正藏：八佛名號經

² 大正藏：隋天竺三藏闍那崛多譯

若聞及以書寫，緣是功德，便於阿耨多羅三藐三菩提得不退轉，無所缺減，至於無上正真之道，速得成於阿耨多羅三藐三菩提者不？」

爾時，世尊告舍利弗言：「善哉，善哉！善男子！汝所諮問真妙辯才，為於來世無量眾生廣作利益，慈悲哀愍一切天人，能問如來如斯奧義。是故，汝今諦聽諦受，善思念之，吾當為汝分別解說。」

舍利弗言：「唯然！世尊！願樂欲聞。」

爾時，世尊告舍利弗言：「善男子！東方去此過一恒河沙世界，有一佛刹名難降伏，於彼國土有佛世尊，號善說稱功德如來、至真、等正覺，於今現在為諸大眾說微妙法。

「復次，舍利弗，從此東方過二恒河沙世界，有一佛刹名無障礙，於彼國土有佛世尊，號因陀羅相幢星王如來、至真、等正覺，於今現在亦為大眾說微妙法。

「復次，舍利弗，從此東方過三恒河沙世界，有一佛刹名曰愛樂，於彼國土有佛世尊，號普光明功德莊嚴如來、至真、等正覺，於今現在亦為大眾說微妙法。

「復次，舍利弗，從此東方過四恒河沙世界，

有一佛刹名曰普入，於彼國土有佛世尊，號善鬪戰難降伏超越如來、至真、等正覺，於今現在亦為大眾說微妙法。

「復次，舍利弗，從此東方過五恒河沙世界，有一佛刹名曰淨聚，於彼國土有佛世尊，號普功德明莊嚴如來、至真、等正覺，於今現在亦為大眾說微妙法。

「復次，舍利弗，從此東方過六恒河沙世界，有一佛刹名無毒主，於彼國土有佛世尊，號無礙藥樹功德稱如來、至真、等正覺，於今現在亦為大眾說微妙法。

「復次，舍利弗，從此東方過七恒河沙世界，有一佛刹名罽³塞香滿，於彼國土有佛世尊，號步寶蓮華如來、至真、等正覺，於今現在亦為大眾說微妙法。

「復次，舍利弗，從此東方過八恒河沙世界，有一佛刹名妙音明，於彼國土有佛世尊，號寶華⁴善住娑羅樹王如來、至真、等正覺，於今現在亦為大眾說微妙法。

「舍利弗，是等諸佛如來、至真、等正覺，

³ 大正藏：側；永樂北藏及龍藏：罽

⁴ 大正藏：蓮花；永樂北藏及龍藏：華

如是佛刹清淨無穢，無有五濁，復無五欲，其中眾生無有諂曲虛偽之心，亦無欲行及以女人。

「復次，舍利弗，若善男子及善女人，得聞彼等諸佛世尊如是名號，既得聞已能自受持讀誦修行，復為他人宣揚顯說，彼善男子及善女人，若墮三惡道者無有是處；唯⁵除五逆、誹謗正法及謗聖人。

「復次，舍利弗，若善男子、善女人，得聞彼等諸佛世尊如是名號，既得聞已能自受持讀誦修行，復為他人宣揚顯說，如是之人乃至菩提，於其中間生生之處常具五通，兼復速得諸陀羅尼，六根完具無諸殘缺，常得歡喜身毛右旋。

「復次，舍利弗，若善男子及善女人，得聞彼等諸佛世尊如是名號，既得聞已能自受持讀誦修行，復為他人宣揚顯說，彼等眾生所在之處，縣官、惡賊不能得便，火不能焚、水不能漂，惡龍惡蛇不能毒害；若行若住，師子、虎狼、熊羆、豺豹，夜叉、羅刹、諸惡鬼神、鳩槃荼等及人非人，能作驚惶無有是處，唯⁶除宿殃。

「復次，舍利弗，若有女人，能厭其身，繫

⁵ 大正藏：惟；永樂北藏及龍藏：唯

⁶ 大正藏：惟；永樂北藏及龍藏：唯

念專心，受持讀誦如是世尊諸佛名號，復為他人分別顯說，壽終之後，更復受於女人身者，無有是處。

「復次，舍利弗，若有善男子、善女人，於靜夜中能誦如是諸佛名號，是等眾生，於現世間所作功業皆速成就，日日增長，無諸障礙。」

爾時，世尊欲重明此義，而說偈言：

若有諸眾生	能持是佛名
悉捨諸惡道	速生於善處
常在諸佛前	恒聞說妙法
既覩無上尊	隨心而供養
誦持佛名故	超億千萬劫
一切諸煩惱	疾速 ⁷ 得菩提
若人滿十 ⁸ 日	能誦是佛名
即得清淨眼	便能見諸佛
若有聞佛名	即能誦持者
隨其所生處	常為他所敬
相好形端正	常生福樂家
喜心行大捨	聰明不放逸
若有諸女人	聞此佛名故

⁷ 大正藏：成；永樂北藏及龍藏：速

⁸ 大正藏：七；永樂北藏及龍藏：十

自誦為他說	其福不可量
於此壽終已	必捨女人報
得受丈夫身	生生常利根
誦持佛名故	多百億劫中
口氣常芬馥	恒如栴檀香
彼等諸大仙	如是諸名字
若能誦持者	細心不放逸
誦持佛名故	父母及兄弟
并餘諸眷屬	終無異苦惱
誦持佛名故	一切魔波旬
黑闇眾眷屬	終不能障礙
惡毒不能害	刀杖水 ⁹ 火等
縣官惡賊盜	一切不能傷
誦持佛名故	千億諸劫中
常生寶蓮華	威相神通具
常在虛空中	遍不思議刹
觀諸異佛土	刹中清淨者
證無上道已	普為諸雜類
諸天及世人	能作歸依處

佛說是經已，長老舍利弗及天、龍、夜叉、乾闥婆、阿修羅、迦樓羅、緊那羅、摩睺羅伽、

⁹ 大正藏：及；永樂北藏及龍藏：水

人非人等，一切大眾，聞佛所說，歡喜奉行。

佛說八佛名號經¹⁰

¹⁰ 大正藏：八佛名號經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫
迦囉嚩吽

(以下合掌三稱)

南無東方難降伏世界善說稱功德如來

南無東方無障礙世界因陀羅相幢星王如來

南無東方愛樂世界普光明功德莊嚴如來

南無東方普入世界善鬪戰難降伏超越如來

南無東方淨聚世界普功德明莊嚴如來

南無東方無毒主世界無礙藥樹功德稱如來

南無東方曼塞香滿世界步寶蓮華如來

南無東方妙音明世界寶華善住娑羅樹王如來

禮佛發願文

(一編)

歸命十方調御師 演揚清淨微妙法

三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以

現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛。一切菩薩摩訶薩。摩訶般若波羅蜜。

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；
自皈依僧，當願眾生，統理大眾，一切無礙。和南聖眾。

南无护法韦驮尊天菩萨



此咒置經書中可滅誤跨之罪